



kat.komp.

15708

I

Mag. St. Dr.

P

*Petriconi Andreae Quaestio de probatio-
nibus.*

1880

~~250/5~~ 1880

QVÆSTIO

ex cap: Ex literis.

ext.

DE PROBATIONIBVS.

Quam

Præsidente Admod. Reuerendo & Clarissimo Dño,

D. IACOBO IANIDLOVIO

I. V. Doctore & Proffessore Ordinario,

Protonot. Apost. & Vniuersitatis Crac.

Procancellario,

ANDREAS PETRICOVIVS Prof: Zam.
pro sui Baccalaureatûs in V. I. determin.
decidet.

Kalendis Martiis.



ANNO DOMINI, M.DC.XVI.

4

IN A R M A
ILLVSTRIS^{MI} DOMINI,
D. THOMÆ ZAMOYSKI.



Sanguine pastusequi gelidæ ferus incola terræ,
Bosphoreiq; omnes, hæc tria tela timent.
Senferunt obitare suis conatibus; ergo
Singula diuisim frangere sæpè volunt,
Trux Scythia, nō franges: tria sunt bene iūcta Zamosci
Tela, quibus victor teq; tuosq; premet.

M. JOANNES BROSCIVS.

15708 I

ILLVSTRISSIMO
AC GENEROSISSIMO DOMINO,
D. THOMÆ ZAMOYSKI
Domino & Hæredi
INVETERI AC NOVA ZAMOSCIE,
Knyszynensi Capitano. &c.
Domino suo colendissimo.

ANDREAS PETRICOVIUS, S. & F.

AIT *Prætor* : Glandem, quæ ex illius
agro in tuum cadat, quominus illi
tertio quoq; die legere, auferre lice-
at; vim fieri veto. Quo in Edicto, glā-
dis appellatione omnem fructum contineri, *Vlpianus*
respondit; idemq; *Caius* noster censuit, l. qui venenū.
s. glandis. ff. de verb. sig. Ego verò ita fructus inter-
pretari soleo, ut ad eos nostras quoque ingenuas ope-
ras, quas in clyto tuo addixi *Hyppæo*, pertinere exi-
stimem. Siue enim eos duntaxat fructus quispiam
censeat quos arbor fert atq; producit; non deerit qui
cum *Philosopho*, Hominem dicat arborem esse inuer-

*Sam. Siue fructus pro omni sumantur utilitate; ut
in l. cum in rem. ff. de rei vindicat. nostri profectò la-
bores, quò magis in publicum & priuatim sunt uti-
les, eò justius fructuum veniunt appellatione. In
tuo ergo cum nascentur agro, pars eorum magna in
tuum ultrò decidunt solum: pars etiam in ACADEMIAE
CRACOVIE NSIS, tanquam pia
Matris, refunditur sinum. Sed quominus cunctos
legendi, auferendi, ius & potestas Tibi sit integra:
Prator vim fieri vetat. Et ego volens libensque eos
Tibi sisto; praeclarè mecum agi existimans, quòd
ACADEMIAE CRACOVIE NSIS
alumnus, in Tuo potissimum confederim solo; &
fructus hosce, laboresuè meos non alius quàm hic ex-
cipiat locus. Est enim magna ACADEMIAE
huius dignitas; est vetus & augusta Maestas, ab
Annis 283. MAXIMORVM REGVM
Sceptrisinnixa; est denique ea in HYPPAEVM
ZAMOSCIANVM propensio, ut vera paren-
tis curam ac sedulitatem in prospiciendis illius com-
modis aequet aut superet; vicissimq; ab illo non dege-
neris prolis cultum ac pietatem experiatur. Hinc
velut in provinciam novos subinde deducit eo colo-
nos.*

nos, quos **Z A M O S C I V M** gratanter excipit, fo-
net, ac aestimat: & hoc & illa, publici ac privati bo-
ni studio mirificè aestuat. Ac plurimum fallor, nisi
in Te quoque colendo, amicâ emulatione, de pal-
ma contendant. Tam altè utrique infixæ manent
Magni Parentis tui merita; tantos ciet animos, su-
blimis illa & verè Heroica indoles Tua, cùm mul-
tis in rebus, tùm in hac potissimum testata, quòd
H Y P P A E V M Z A M O S C I A N V M
magnis sumptibus ab Illustr^{mo} Parente tuo felici-
ter erectum, & usibus atque commodis Nobilita-
tis Polonæ dicatum, ita foueas ac tuearis: ut in-
columitate illius nihil omninò habeas antiquius.
Nam & Professorum numerum, quem vis fati
acerba imminuerat, suppleuisti; & me in eodem
esse voluisti: ut iam merito Tuo omnes mei Te unum
respiciant labores. Quanquam nunc quidem, unâ
eâdemq; operâ, duplici defungor munere; cùm in
illâ etiam Colonia, quod pietatis fuit, conatus
meos, meq; totum **ACADEMIAE CRACO-
VIENSI** consecro: & quod iuris atque officij e-
rat, fructus eorum ad Te **HEROS** Illustrissime,

pro jure tuo pertinere volui. Tu si tenellos hosce
& nondum probè Soli excoctos, eà, quâ me nuper ad
te venientem, exceperis humanitate: non tantùm
his gratiam, sed & alijs, qui à me hoc in genere pa-
rantur, maturitatem accelerabis. Ita Te DEVS
OPT. MAX. per diversa illa gentium atque loco-
rum ducat sospitem, & reducat.

Dat. Crac. Kalend. Martijs. Anno M.DC.XVI.



QVÆSTIO

ex cap: Ex literis.

ext. DE PROBATIONIBVS.

V. Reus, qui onus probandi delatum sibi à Iudice suscepit, aut sponte contra Actorem obtulit; deficiens in probationibus: possit vti priuilegio absolutionis, quod sibi competit Actore non probante: necne?

CONCLUSIO I.

Probatio etsi regulariter Actori incumbit non Reo: certis tamen in iure nostro expressis casibus, vtrique defertur; & potest Reus sponte eam assumere.

COROLLARIA.

1. *Quando Reus in forma Iudicij confessus est, non sunt ab Actore exigenda aut Reo deferenda probationes; cessatq; officium Iudicis, præterquam in condemnando.*

2. Ne-

1. *Negante Reo, descenditur ad probationem: quæ est Ostensio rei dubia, per legitimos modos, facienda Iudici, in causis apud ipsum cōtrouersis.*
3. *Probatio alia est plena, quæ tantam fidem facit quanta ad finiendā controuersiā sufficit: alia semiplena, per quā rei gesta fides aliqua fit Iudici, non tamen tanta ut lure eam sequi debeat.*
4. *Licet de lure duo imperfecta non efficiant unum perfectum: duæ tamen semiplenæ probationes constituunt unam plenam.*
5. *Negationis per rerum naturam non est probatio: si tamen coarctata fuerit loco & tempore, potest saltem indirectè probari.*
6. *Placet quibusdam, Negationes etiam puras ac indeterminatas probari per confessionem partis aduersæ: illa tamen non est probatio, sed releuatio probationis.*

CONCLUSIO II.

Deficiente in probationibus Actore, etiamsi Reus nihil præstiterit, absoluendus est, non modo ab instantia vel obseruatione Iudicij, sed etiā definitiuè.

COROLLARIA

1. *In criminalibus, qui propterea absoluitur à Iudice, quòd Actor non probauerit suam intentionem, non poterit iterum accusari de eodem crimine, etiam ab alio Actore.*
2. *Quodsi Actor absolutum fecerit Reum, condonans ei offensam; poterit tamen apud Iudicem exteriorem postulare criminis pœnam, ac iniuriam publicâ auctoritate vindicare.*
3. *Quando crimen est misti Fori, tum etsi Reus absoluat in uno, poterit adhuc conueniri in altero; imò quamuis ab uno Iudice, puta Ecclesiastico, crimen punitum fuerit, poterit etiam per Iudicem Secularem examinari.*
4. *Actore non probante, si sunt urgentes presumptiones aduersus Reum, non statim absoluitur; sed delato & præstito Iuramento, quo se purget ab intentato crimine.*
5. *Laudandus est Iudex qui deficiente in probationibus Actore causam delegat alteri, cum conscientiam, quam habet de Reo, deponere non potest*

poteſt : quæ tamen conſcientia non de ſinu Iudicis , & de ſecretis peſtoris eius procedere debet , ſed de utero & de ſinu legis.

6. *Poteſt Aſtori deferri Iuramentum ſuppletorium in cauſa civili quantumvis magnâ & arduâ : ſed non item in criminali, niſi tractetur de pœna pecuniaria non corporali.*

CONCLUSIO III.

Reus deficiens in probatione ultro aſumptâ, aut per Iudicem delatâ: iuuatur priuilegio abſolutionis, quod ſibi competit Aſtore non probante.

COROLLARIA.

1. *Dum æquales ab utraq³ parte aſſeruntur probationes, certi Iuris eſt, Reum abſoluendum eſſe potiùs quàm condemnandum.*
2. *Paribus exiſtentibus probationibus, poteſt Iudex manutenere alteram partem in mediâ poſſeſſione rei contentioſæ, & alteram in reliquâ.*

3. *In*

3. *in causis Fisci, datâ paritate probationum, pro Fisco Actore pronunciandum est.*
4. *Si Reus hac expressa conditione suscepit onus probandi; ut si defecerit in probationibus causam amittat: secutâ conditione, non potest gaudere priuilegio absolutionis; sed cadit causa, etiamsi Actor nihil probauerit.*
5. *Quemadmodum Actor nihil probans condemnatur in damnis & expensis: ita Reus quando ob defectum probationum causa cadit, tenetur ad expensas.*
6. *Reus cui probationes deferuntur, Actoris tum partes sustinere intelligitur, & è conuerso Actor Rei.*





Sub felicibus auspicijs Admodū Rēdi P.
ac Magnifici Domini, M. Sebastiani Kru-
pij I. V. D. & Professoris, Præpositi
Wielicien. & Vniuersitatis Crac:
Generalis Rectoris.

CRACOVIAE,
In Officina Andrea Petricouij, S. R. M. Typ.

39. 1. 73. 2

Biblioteka Jagiellońska



sidr0012970

